

順德縣志卷之八

經政畧三

立營緣起

營制

汛界

兵額

船哨

軍械

陣圖

按明初於山東淮浙間廣度要害地隸一郡者設所連郡者設衛大率百十二人爲百戶所千一百二十人爲千戶所所設總旗二小旗十一衛統千戶所者五統百戶所者五十大小聯比令就地受田爲屯無事則農有事則兵其後以備倭故不時調發設都指揮統焉廣州設前後左右衛南海自爲一衛順德分地於南海而十有六屯地皆隸廣州右衛正統之末黃蕭養作亂設鎮守總兵官一員置縣未幾屯政因循漸弛嘉靖初於縣東北五十里磨刀海縣西北二十里黃涌頭並設營迄明末葉爰有裏海參將之設順德在所轄內 國初山海未靖順治七年尙耿兩

713-733

2124

4

91

藩以重兵來駐設提督於會城盡罷衛所旗軍爲民使領屯佃於縣未嘗議及兵衛也遂有犯城之警先是番禺蛋賊周玉李榮兩人合鯨橫恣尙藩招之許長諸蛋署以遊擊令轄繪船數百出海捕盜輒有功及遷界議起盡掣其船於港汊孥屬居城內苦籠絜詐稱歸葬攜家復出糾亡命與藩兵戰敗沿流至順德出不意破城擄令王印去康熙二年癸卯事也尙聞亟出舟師擊獲諱不以報而假他故罷王令事聞於朝謂順爲巖疆四年乙巳特設水師提督駐焉蓋卽前明裏海參將之任也標分五營曰中曰左曰右曰前曰後水陸甲兵五千分隸而各統以遊擊七年戊申裁提督設參將統之八年己酉

按陳志作十年辛亥誤今從營冊

移參將駐廣州改原廣州左翼鎮駐順爲順德鎮仍舊五

營官四十一員兵五千歸提督轄屬

按廣東原止一提督駐省會兼轄水陸自

嘉慶十五年以洋匪故添設水師提督駐虎門以原設者爲陸路提督其時但稱提督而已

二十二年

癸亥正月裁中後營官兵一千有八存左右前爲三營五

月復將水師援剿左右二營

按國初廣州原設有水師總兵一員援剿總兵一員後

並裁官兵收入鎮標定爲中左右三營官二十五員兵三千

名三十四年乙亥三營減實兵二千六百二十九名四十

一年壬午總督郭世隆以順德離省甚近省會業有旗鎮

重兵則順德總兵可裁 奏准裁左右二營官兵止留中

營改爲順德城守營仍統以遊擊五十七年戊戌六月撥

兵十二名歸海門達濠兩營雍正元年癸卯總督楊琳巡

撫年希堯以順德形勢雖內海而通外洋居香山虎門二

協之中爲省城門戶今順鎮旣裁僅留遊擊不能左右遙

制省城有旗鎮重兵足以建威左翼鎮非不可少議將順

德原轄地方歸於左翼鎮令總兵官移駐順德其順德城

守營遊擊改為鎮標中軍統轄順德水陸 奏經覆准總

兵移駐順德二年甲辰定為中左右三營官二十五員兵

二千六百八十五名以原城守營遊擊守備各一千總二

把總四兵九百三十二名為左翼鎮中營其原左翼鎮標中營之遊擊守

備以下兵九百八十其左右二營分防南海番禺各派一

一名改為增城營守備帶兵二百駐順聽候調遣七年己酉添設外委千總

二員外委把總五員按外委添設之案凡額兵四百名設外委千總二百名設外委把總俾各

隨千把總八年庚戌左右二營共添兵六十二名乾隆二

分防汎地十二年丁丑總督楊應琚以順德離海尚遠左翼鎮所轄

如虎門新安香山廣海春江等協營均係外海而總兵遠

駐內河未得親身調度且節鎮大員置之一隅無足重輕之地亦於形勢有乖加以支河港汊無平野練習弓馬而虎門西南直達諸番爲全省門戶議以左翼鎮改爲外洋水師移駐虎門以虎門協副將暨左右二營都司改爲內河水師移駐順德爲順德協仍歸左翼鎮轄屬 奏經覆准鎮標原設中左右三營除左營遊擊守備改爲新塘營以新安營改爲左營其中右二營遊擊隨總兵移駐虎門應需兩營守備及千把總兵丁卽用原隸虎門協左右二營之官兵至虎門今改順協應需左右二營守備千把兵丁卽用原隸鎮標之中右二營官兵彼此均毋庸移易其新改新塘營之原標左營兵九十二名念其久駐順城卽添入順協左營額內定爲順德協左右二營官十七員兵

一千九百有四名四十七年壬寅二月除刪公費兵名色
兩營實兵一千七百三十四名十一月添兵一百四十六
名嘉慶十六年辛未正月廣東添設水師提督移左翼鎮
駐陽江令順協就近歸水師提督徑轄以英清營歸順協
轄屬十八年癸酉議准順協係屬繁營左營添設字識二
十八名右營添設十七名二十一年丙子英清營改屬南
韶連鎮二十五年庚辰十一月抽撫標左右二營兵四十
名歸協右營道光十一年辛卯六月議准添設額此外委
四名以資操演十一月裁左營兵十九名右營十八名今
錄其設官年月如左

康熙五年設水師提督轄中左右前後五營時別有駐防城

守營

七年裁提督設參將仍存駐防城守營

八年以左翼鎮駐順德仍五營爲順德鎮

二十二年裁中後營

先存左右前三營後定中左右三營

并裁城守

四十一年裁左右二營以中營仍改爲順德城守營留遊擊統之

雍正二年復以左翼鎮駐順德定爲中左右三營

七年設外委千總二把總五

乾隆二十二年以左翼鎮移駐虎門以虎門協副將改爲順德協副將帶左右二營都司改爲內河水師其二營守備千把兵丁卽用原鎮標之中右二營官兵毋庸移易

道光十一年添設額外外委千把四名

二十三年左營添設額外外委一名防番禺縣屬之大王

濬礮臺南石頭礮臺以二十一年暎夷內犯內河增設臺
守此二處歸本協左營分防

右緣起

康熙二十二年四月

欽差石柱會同總督吳興祚巡撫李士珍奏稱先因遷界沿海多設墩臺今既展復應將不緊要處兵丁歸併緊要處議得順德縣係省會西南水路門戶緊要設有總兵兵三千名應仍舊自春江協以下諸路仍聽順德總兵官統轄 順德營總兵一遊擊三守備三千總六把總十二兵三千名順德舊不設兵康熙二年因周李二寇犯城而設十二年 題定雖駐縣城兼轄南番香山各縣巡緝沿海以上粵閩巡視紀畧按此展界後定設營制之奏自西路之龍門起籌及粵海

沿邊諸營今但取原奏及清單之有闕本縣營制者節錄之

康熙四十三年七月兩廣總督郭世隆奏稱粵東自南澳起經碣石鎮至虎門協海面二千餘里守汛遼闊其順德一鎮外有香山虎門二協內有省會旗鎮駐防兵可裁去總兵官止留遊擊爲順德營鎮標左營爲平海營右營爲大鵬營督署案

按此奏議及海門達濠甲子碭州諸營制今節錄之

乾隆二十二年兩廣總督楊應琚奏稱

國家安營設汛類皆相險佈防矧總兵爲節鎮大員其駐劄地方尤宜據扼險要始足以崇控制而樹聲威謹案廣東左翼一鎮原駐省城其廣州府屬之順德縣另有順德鎮康熙

四十二年前督臣郭世隆以順德離省甚近省會業有旂鎮重兵 題請將順德總兵裁汰雍正元年前督臣湯琳等又以省會既有重兵駐劄左翼鎮同駐省城非必不可少之缺題請移駐順德均經部議覆准遵行在案在當年定議移駐原以順德雖係內河堪通外海起見究之該處離海尙遠其統轄營分如虎門新安香山廣海春江等協營均係外海水師乃因鎮臣遠駐內河一應外海機宜未獲親身調度且該處前有香山後有省會相距均在百里以內乃將節鎮大員置之居中一隅無足重輕之地亦於形勢有乖加以支河旁達港汊多歧鮮有平野堪以練習弓馬更於營伍多有未便伏查鎮屬虎門一協駐劄虎門寨城西南直達諸番東北路通閩浙其間如寨城遙對之老萬山兀立大洋諸番羅列

凡船隻自洋入口及出口放洋俱以此山爲準向經建設礮臺輪派官兵駐劄而自老萬山至該協所轄之橫檔地方兩山門立中建礮臺尤爲天生險隘不特各省商民船隻出入必經卽外洋諸國商船出口入口舍此亦斷難渡越是虎門實爲粵東全省之門戶沿海要區未有逾於此者臣前親詣順德虎門一帶察勘形勢細加審度竊以左翼鎮似宜移駐虎門據其扼要旣於商艘洋船出入得以就近督率稽查而於所屬外海水師各協營亦復臂指聯絡聲息相通且該處背山面海寨城之外尙有原野兼可訓練官兵洵於海疆營伍交有裨益查該鎮原設中左右三營係內河水師虎門協原設左右二營係外海水師今旣請將該鎮移駐虎門自應改爲外海水師之缺其本標三營內除左營遊擊分駐新塘

與鎮遙遠與提標徑轄營分毗連應改爲新塘營同分駐麻涌之該營守備均歸提標統轄仍爲內河水師中右二營遊擊應改爲外海水師隨鎮臣移駐虎門並請將附近虎門之新安營改爲鎮標左營仍駐新安以資調遣每年上班二月至五月統巡中路洋面卽於中右二營遊擊內輪流派委該鎮仍隨時帶領標員稽查內河外海以爲聲援至順德地方副將儘堪彈壓請將虎門協副將暨左右二營都司俱改爲內河水師移駐順德卽爲順德協仍歸左翼鎮統轄其鎮標應需中右二營守備自有原隸虎門協之左右二營守備協標應需左右二營守備亦自有原隸鎮標之中右二營守備應同該鎮協所屬千把外委兵丁均毋庸移易衙署營房亦彼此適均毋庸添設惟虎門原係東莞縣地方今旣移駐鎮

臣並請將向隸提標之東莞營就近改歸左翼鎮管轄又鎮臣駐劄處所凡考拔弁兵與緊要公務皆需馬匹今順德虎門向無馬兵請於鎮屬馬匹尙多之春江協酌撥二十四匹歸鎮標中右二營每營十匹以爲騎操之用於步兵內拔補春江協所遺馬匹缺改爲步兵又老萬山附近虎門今虎門旣駐有重鎮每年祇須在香山大鵬二協營共撥千把外委四員兵一百名槳船四隻足敷巡防其虎門原派官兵船隻撤回本營亦無須輪派都守如蒙

聖恩俞允其鎮標中右二營遊擊應改用外海人員順德協副將都司應改用內河人員與各該員缺應在外題補或歸部銓選暨應酌定分駐地方以及應用關防

敕書同各營分防四至道里容臣分晰查明另疏具題似

此一轉移間庶內河外海控制得宜商艘洋船藉資彈壓且不須增添一官一兵而要地得防禦之益海疆獲金湯之固矣

順德協左右二營內河水師隸水師提督

副將駐城內統轄順德水陸南海番禺三水香山四縣河道左營

都司一同駐城內爲中軍並轄城內及左營汛務

守備一防營西七十里甘竹汛理兵馬錢糧

千總二左哨專防營南五十里崑岡汛右哨專防東北四十里罟草土城礮臺

把總四左哨頭司專防營東南八十二里九江沙口汛二司專防營南十七里容奇頭汛右哨頭司專防營西北四十一

里三漕汛二司專防縣城

外委千總二左哨協防仰船岡右哨協防勒樓

外委把總五左哨頭司協防濠濠二司協防甘竹右哨頭司
協防馬寧汛二司協防龜岡三司協防碧鑑

額外外委二員留營差遣

右營

都司一駐協北百九十一里三水縣蘆苞

千總二左哨專防營南百四十五里瀾石汛右哨專防營西
南六十里西南汛

把總四左哨頭司專防營東二百六十里西關汛二司專防營
東南百四十四里鷹嘴沙汛右哨頭司專防營南百九十里
仙管汛二司專防距營六十里蘆苞汛

外委千總二左哨協防縣城右哨協防石門

外委把總四左哨頭司協防五斗口二司協防大通濬右哨頭司協防三水二司協防江浦

額外外委

按左翼鎮止載駐縣之中營其駐防他縣者不錄所以示限制戒蛇足也惟今協則營分無多且戎政與縣政時有關涉所有官弁兵額汛防營務並載全協蓋有詳近畧遠之意非歧出也

以上見制

左翼鎮總兵官駐城內

中營遊擊同

守備駐甘竹

有行署在城南門內
雍正二年修葺